

Fundacion Pierre Lauffer cu donacion na varios instancia educativo

ORANJESTAD

– Dia 29 di april proximo, Fundacion Pierre Lauffer lo bay entrega 25 pa 30 buki na scolnan secundario, instituto pedagogico como tambe Universidad di Aruba.

Segun e linguista Mirto Lacle, ta trata aki di un tomo di 3 buki y tin un capital inverti den esaki.

Exposicion
Sra. Bernadette Heiliger, autor di e biografia titula *Het Bewogen Leven*



van een bevlogen Dichter, lo keda treci dilanti y asina ey Lacle lo haci e buki di mucha "Natie ta bula bay" di Pierre Lauffer, un persona cu a biba na Aruba na Boneiro.

E tabata un polis y lo purba di pone un exposicion chikito riba diferente cos, pero Pierre Lauffer mes lo bay ta recitando un poema cu imagen para na lama di Noord, Lacle a splica.

Bijbel di literatura Antiano
Segun Lacle, e coleccion di tres tomo ta manera un biblia pa literatura Antiano.

Ora cu bisa literatura Antiano, ta papiando aki di Aruba, Boneiro y Corsou, na Papiamento, pero tambe pa personanan di Isla'Riba. Nos autornan di Aruba tambe ta aparece den e tomo. Esaki a costa e fundacion Pierre Lauffer un cantidad di placa. Biblioteca Nacional a haya e bukinan aki como un donacion na instancianan educativo na Aruba pa nan uza. Den e bukinan aki, mescos cu "El papiamento, La lengua criolla, la gramatica mas sencilla", cual ta biblia di gramatica di papiamento, ta pa literatura na papiamento.

Diferencia entre literatura primario y secundario

Ora ta papia di literatura, tin literatura Primario y literatura secundario, ora cu ta trata di por ehempel di e buki "Natie ta bula bay", ta literatura primario cu ta trata e storia, e cuenta di esey. Ora ta bay busca referencia encunto "Natie", ta papia di literatura secundario. Aki por mira e ehempel di literatura primario, manera un poema di Lio Booy.

Tambe ta haya informacion encunto ken Lio Booy tabata, kico mas el a skirbi y pakico e ta importante. Asina ey tambe di un Ellis Juliana por ehempel.

Pero ey den tambe ta haya un Ernesto Rosenstand, Dennis Henriquez y asina por sigui menciona y haci mas referencia.

Den dje nan ta trata tur e generonan y tambe primario un storia di nanzi, e ora nan ta haci referencia na Nila Pinto-Jeserun. Fuera di Compa Nanzi, Pinto-Jeserun tambe a traha cantica di mucha. E ta consultativo.

Ta haya ehempel di un storia, pero tambe tocante e storia kico mas a publica di e autor y dicen e ta importante na papiamento, Lacle a comenta.